

秦伯未先生編輯
實用中醫藥學

黃毅陳无咎題



南京中医药大学图书馆版权所有

內科學



六淫病

傷寒

溫病

中風

熱症

傷暑

濕症

燥症

疫癘

雜病

二九

類中風

虛勞

咳嗽

喘

吐血

痺

痿

腳氣

癘風

噎膈

痢疾

泄瀉

瘡疾

水腫

鼓脹

積聚

疝氣

痰飲

吐嘔噦

三消

小便不通

大便不通

小便不禁

便血

尿血

遺精

黃疸

不能食

不得臥

自汗盜汗

癲狂癰

驚悸恐

眩暈

頭痛

心痛

胸痛

脇痛

胃脘痛

腹痛

少腹痛

身痛

肩背痛

腰痛

中醫書局發行之

中醫世界月刊——第九卷起大刷新

特別減售八折優待定戶（圖書館定閱僅收一元）

中醫世界月刊已出八卷

• 自第九卷第一期起（

即本年十月份起）大加

刷新。組織編輯委員會

• 延聘秦伯未盛心如邱

治中方公溥蔣文芳諸先

生為委員。內容分「醫

學研究」「藥學研究」

及「長篇著述」三大門

• 均屬精心結撰之作。

使閱者獲到實際上之利

益。無愧國醫雜誌界老

當益壯與時俱新之刊物

第九卷第一期要目

廿四年十月一日出版

醫藥的幼稚及中醫科學化之必要
痰飲論

淋與癰之辨別及治療

肺痿論治

科學單方

加味逍遙散對於婦女之功用

海草之識別與主要成分

日本井上香彥翁經驗方詮按

其他細目不及備載均由名家執筆

中醫世界之六大特點：

1 絕對不載攻擊私人文字
2 絕對不載無裨實益之高調
3 絕對不載老生常談之陳說
4 絕對不載引人入迷途之邪說
5 絕對不載過眼雲煙之新聞
6 絕對不載跡近誘惑之宣傳
○○○○○○

全年十期一元五角
郵費一角二分
零售每份一角五分

S71
617

實用中醫學

上海秦之濟伯未述

受業

弟陳昌順錦樓校
弟萬又安

第七編 內科學

□六淫病

▲傷寒

傷寒者感受寒邪而發病也。其証治傳變。仲景言之最精。大綱分太陽陽明少陽太陰少陰厥陰六者。茲概舉如下。太陽病。頭項強痛。腰背骨節疼痛。惡寒發熱。時有微汗者。爲風傷衛。法主桂枝湯。以驅衛分之風。壯熱無汗者。爲寒傷營。法主麻黃湯。以發營分之寒。頭身疼痛。發熱惡寒。不汗出而煩躁者。爲風寒兩傷營衛。法主大青龍湯。營衛互治。風寒並驅。太陽邪傳膀胱。口渴而小便不利。法主五苓散。以去腑邪。有爲蓄尿過多。膀胱滿甚。脹翻出竅。尿不得出。睨脹異



常者。名爲癰閉。不可用五苓。愈從下利。其脹愈加。而竅愈塞。尿愈不得出。法宜白蔻砂仁半夏肉桂桔梗生薑。使上焦得通。中樞得運。而後膀胱之氣方能轉運。斯竅自順。而尿得出。若少腹硬滿。小便自利者。爲膀胱蓄血。宜桃仁承氣湯。陽明病。前額連眼眶脹痛。鼻築氣而流清。發熱不惡寒。法主葛根。以解陽明之表。口燥心煩。汗出惡熱。渴欲飲冷。法主白虎湯。以撤其熱。張目不眠。聲音響亮。口臭氣粗。身輕惡熱。而大便閉者。法主小承氣湯。微蕩其熱。略開其閉。加之胃實腹滿。微發譫語者。可以調胃承氣湯。以蕩其實。而去其滿。更加舌苔乾燥。噴熱如火。痞滿實燥堅。與夫狂譫無倫者。法主大承湯。急驅其陽。以救其陰。少陽頭痛在側。耳聾喜嘔。不欲食。胸脇滿。往來寒熱。法主柴胡湯。以解少陽之表。口苦咽乾目眩。法主黃芩。以瀉少陽裏熱。太陰腹滿而吐。食不下。時復自痛。自利。不渴手足自溫。法主理中湯。加砂半。若胸膈不開。飲食無味。而兼咳嗽者。乃留飲爲患。法宜理脾滌飲。若由胃而下走腸間。漚漚有聲。微痛作泄者。名曰水飲。

若由胃而上走胸膈咳逆倚息短氣不得臥者名曰支飲若由胃而旁流入脅咳引刺痛者名曰懸飲若由胃而溢出四肢痹軟痠痛者名曰溢飲又有著痹行痹二症與溢飲相似而証不同乃爲火旺陰虧熱結經隧赤熱腫痛手不可近法宜清熱潤燥若身目爲黃而小便不利不惡寒者爲陽黃法宜茵陳五苓散若腹痛厥逆身重嗜臥而發黃者爲陰黃法宜茵陳附子湯少陰真陽素旺者外邪傳入則必挾火而動心煩不眠嘴膚燥神氣衰減小便短而咽中乾法主黃連阿膠湯分解其熱潤澤其枯眞陽素虛者外邪則必挾水而動陽熱變爲陰寒目瞑倦臥聲低息短少氣懶言身重惡寒四肢逆冷腹痛作泄法主溫經散邪回陽止泄厥陰有純陽無陰之證有純陰無陽之證有陰陽錯雜之証張目不眠聲音响曉口臭氣粗身輕惡熱熱深厥深上攻而爲喉痹下攻而便膿血此純陽無陰之証也法主破陽行陰以通其厥四肢逆冷爪甲青黑腹痛拘急下利清穀嘔吐酸苦冷厥關元此純陰無陽之証也法主驅陰止泄以

回其陽。腹中急痛。吐利厥逆。心中煩熱。頻索冷飲。飲而即吐。頻渴轉增。腹痛加劇。此陰陽錯雜之証也。法主寒熱互投。以去錯雜之邪。凡病總不外乎六經。以六經之法。按而治之。無不立應。一經見証。即用一經之法。經證腑證兼見。即當表裏兩解。若太陽與陽明兩經表證同見。即用桂枝葛根以合解兩經之邪。兼少陽。更加柴胡。兼口渴而小便不利。即以三陽表藥。加入五苓散之中。兼口苦咽乾目眩。更加黃芩。兼口燥心煩渴欲飲冷。當合用白虎湯于其間。併三陽表裏而俱解之。若三陽表証。與三陰裏寒同見。謂之兩感。即當用解表于溫經之內。若裏重于表者。俱當溫裏。不可兼表。無論傳經合病併病。陰陽兩感。治法總不外乎此。

桂枝湯 治太陽風傷衛。

桂

枝

一錢五分
去皮

芍

藥一錢五分

甘

草一錢炙

生

姜一錢五分

大

棗四枚去核

麻黃湯 治太陽寒傷營症。

麻黃一錢去節 桂枝二錢去皮 甘草一錢炙 杏仁十二枚泡去皮尖

大青龍湯 治風寒兩傷太陽。

麻黃去節六兩 桂枝去皮 甘草炙各二兩 杏仁去皮尖四十個

石膏如雞子大一塊碎 生姜三兩 大棗十二枚擘

五苓散 治太陽蓄水症。

茯苓三錢 豬苓 澤瀉各八分 桂枝一錢

白朮一錢五分

桃核承氣湯 治太陽蓄血症。

桃仁十個 大黃二錢五分 芒硝一錢五分 甘草一錢

桂枝五分

葛根湯 治陽明表症。

葛 根四錢

麻 黃三錢

生 姜三錢

甘 草二錢

桂 枝二錢

大 棗 四枚

白 芍二錢

白虎湯 治陽明裏症。

石 膏八錢碎綿裹知 母三錢

炙甘草一錢

粳 米四錢

麻仁丸 此潤腸之主方。治脾約大便難。

麻 仁另研

芍 藥

枳 實炒

厚 朴各五兩

杏 仁五兩半
研脂

大 黃一斤蒸焙

調胃承氣湯 治陽明實症之和劑。

大 黃四錢清酒潤 炙甘草一錢

芒 硝三錢

小承氣湯 治陽明實症之輕劑。

大 黃四錢 厚 朴

枳 實各三錢

大承氣湯 治陽明實証之重劑。

大黃二錢酒潤 厚朴四錢

枳實

芒硝各二錢

小柴胡湯 治少陽在經之邪。

柴胡四錢 人參

黃芩

炙甘草

生薑各二錢半 半夏二錢

大棗二枚

黃芩湯 治少陽在腑之邪。

黃芩三錢 甘草炙

白芍各二錢

大棗二枚

大前胡湯 治少陽陽明合病。

柴胡四錢 半夏二錢

黃芩

白芍

枳實各錢半 生薑二錢半

大棗二枚

大黃五分

理中丸湯 治太陰病。

人參 白朮

甘草

乾姜各三兩

茵陳五苓散 治陽黃。

茵陳

白朮

茯苓

苓各一錢五分

豬苓

澤瀉各七分

肉桂五分

茵陳朮附湯 治陰黃。

茵陳一錢

白朮二錢

附子五分

乾姜五分

甘草炙一錢

肉桂三分去皮

四逆湯 治少陰寒症。

甘草四錢炙

乾薑三錢

附子二錢生用

黃連阿膠湯 治少陰熱症。

黃連四兩

黃芩一兩

芍藥二兩

阿膠三兩

鷄子黃二枚

四逆湯 治厥陰熱症。

甘草炙

枳實破水漬炙

柴胡

芍藥

烏梅丸 治厥陰寒熱錯雜之症。

烏梅 九十三枚

細辛 六錢

乾薑 一錢

當歸 四錢

黃連 一兩六錢

附子 六錢泡

蜀椒 四錢炒

桂枝

人參

黃柏 各六錢

▲溫病

溫爲春氣。其病溫者。因時令溫暖。腠理開泄。或引動伏邪。或乍感異氣。當春而發。爲春溫。其因冬月傷寒。至春變爲溫病者。伏邪所發。非寒毒藏於肌膚。亦非傷寒過經不解之謂。乃由冬藏不密。腎陰素虧。虛陽爲寒令所遏。仍蹈入陰中。至春則裏氣大泄。木火內燃。始見必壯熱煩冤。口乾舌燥。故其發熱而渴。不惡寒。脈數盛。右倍於左。大異傷寒浮緊之脈。此熱邪自內達外。最忌發汗。宜辛涼以解表熱。葱白香豉湯。苦寒以泄裏熱。黃芩湯。裏氣一通。自然作汗。若舌乾便秘。或脅熱下利。咽痛心煩。此伏邪自內發。無表症也。其不由傷寒伏邪。第從口

鼻吸入而病溫者。異氣所感。邪由上受。首先犯肺。逆傳心包。或留三焦。夫肺主氣。溫邪傷肺。胸滿氣窒者。宜辛涼輕劑。杏仁。桔梗。瓜蒌。梔子。枳殼。連翹。挾風。加薄荷。牛蒡。挾濕。加蘆根。滑石。或透濕於熱外。或滲濕於熱下。俾風濕不與熱相搏。則不貽風溫濕溫之患。如辛涼散風。甘淡驅濕。熱勢不解。則入心營。而血液受劫。咽燥舌黑。煩渴不寐。或見斑疹者。宜清解營熱。兼透斑。斑出熱不解者。胃津亡也。主以甘寒。若邪入心包。神昏譫語。目瞑而內閉者。宜芳香逐穢。宣神明之竅。驅熱痰之結。蓋熱氣蒸灼。瀰漫無形。若藥味重濁。直走陽胃。全與病隔矣。若氣病不傳血分。而邪留三焦。宜分消其上下之勢。因其仍在氣分。猶可冀其戰汗解。或轉瘧也。若三焦不得從外解。必致裏結腸胃。宜用下法。若脘悶胸痛。若腹脹滿。或痛邪已入裏。必驗其舌。或灰黃。或老黃。或中有斷紋。皆當下之。其病溫復感風者。爲風溫。必陽脈浮滑。陰脈濡弱。風屬陽。溫化熱。兩陽熏灼。先傷上焦。上焦近肺。肺氣既阻。致頭脹。脘痞。身熱汗出。宜微苦以清降。微辛以宣通。

忌溫散劫津。若風溫誤汗。身灼熱者。脈陰陽俱浮。自汗身重。多眠鼻鼾。語言難出。危症也。急用蔗漿麥冬白芍生地炙草玉竹阿膠之屬。誤下誤火亦危。其病溫而濕勝者。爲濕溫。身熱頭重胸滿嘔惡。足脛冷。蒼朮白虎湯或滑石蘆根苡米茯苓半夏。其冬行春令。襲溫氣而成病者。爲冬溫。蓋本燥秋之餘氣。故發熱咳嗽。喉腫咽乾。痰結甚。則見血。其脈虛緩。或虛大無力。亦有先病冬溫。更加暴寒。寒鬱熱邪。則壯熱頭痛。自汗喘咳。陽旦湯加桔梗茯苓。切忌風藥升舉其邪。致咳愈劇。熱愈甚。遂變風溫。灼熱以死。亦忌辛散。致咽喉不利。痰唾膿血。加減葱白香豉湯調之。若兼風寒外襲。葱豉湯加羌活紫蘇。寒邪盛。汗不出而煩擾者。葱豉湯加少許麻黃石膏。若冬溫誤汗。致發斑毒者。升麻葛根湯加犀角元參。如昏憤譫妄者。大便瀉。手足冷。不治。其病溫更遇時毒者。爲溫毒。脈浮沉俱盛。煩悶嘔咳。甚則狂言下利而發斑。凡煩悶躁熱。起臥不安。皆發斑候也。熱毒內攻。陷入營分。乃發斑毒。黃連解毒湯。斑不透者。犀角大青湯。凡紅赤爲胃熱。

人參化斑湯。紫爲胃傷。犀角地黃湯。黑爲胃爛。不治。鮮紅起發者。吉。紫色成片者。重。黑色者凶。青色者不治。由失表者。求之汗。由失下者。取乎攻。火盛清之。毒盛化之。營氣不足。助其虛而和之。托之。其輕者。則有疹痧。細碎如粟。主治不外肺胃二經。宜辛涼。或甘寒淡滲等法。皆溫症中所宜細審者。

葱豉湯 涼解表熱。

葱 白一握 豆 豉一升

蒼朮白虎湯 卽白虎湯加蒼朮。

陽旦湯 卽麻黃湯加黃芩。

升麻葛根湯。

升 麻二錢 葛 根三錢 芍 藥二錢 甘 草二錢

黃連解毒湯 瀉血分熱毒。

黃 連 黃 芩 黃 柏 山 梔

犀角大青湯

大 青

犀 角

梔 子

香 豉

人參化斑湯 卽白虎湯加人參。

犀角地黃湯

犀 角

生 地

赤 芍

丹 皮

▲中風

中風者。眞中風也。有中腑中臟中血脉之殊。中腑者。中在表也。外有六經之形症。與傷寒六經傳變之症無異也。中太陽。用桂枝湯。中陽明。葛根湯加桂枝。中少陽。小柴胡湯加桂枝。其法悉具傷寒門。中臟者。中在裏也。其人眩仆冒昏。不醒人事。或痰聲如曳鋸。宜分臟腑寒熱而治之。假如其人素挾虛寒。或暴中新寒。則風水相遭。寒冰徹骨。而風爲寒風矣。假如其人素有積熱。或鬱火暴發。則風乘火勢。火借風威。而風爲熱風矣。凡熱風多見閉症。其症牙關緊急。兩手握

固法當疏風開竅。先用搐鼻散吹之。次用牛黃丸灌之。若大便結閉。腹滿脹悶。火勢極盛者。以三化湯攻之。凡寒風多見脫症。其症手撒脾絕。眼合肝絕。口張心絕。聲如鼾肺絕。遺尿腎絕。更有兩目直視。搖頭上竄。髮直如絛。汗出如珠。皆脫絕之症。法當溫補元氣。急用大劑附子理中湯灌之。若痰涎壅盛。以三生飲加人參灌之。間亦有寒痰壅塞。介乎閉脫之間。不便驟補者。用半夏橘紅各一兩。濃煎至一盃。以生薑自然汁對沖。頻頻灌之。其人卽甦。然後按其虛而調之。然予自揣生平。用附子理中治愈者甚多。其用牛黃丸治愈者。亦恆有之。惟三化湯一方。並未舉用。此必天時地土人事之不同。然寒熱之劑。屹然並立。古方俱在。法不可泯。故兩存之。以備參酌。中血脉者。中在經絡之中也。其症口眼歪斜。半身不遂是也。大秦朮湯主之。偏在左。倍用四物湯。偏在右。佐以四君子湯。左右俱病。佐以八珍湯。並虎骨膠丸。此治真中之大法也。至於口噤角弓反張。瘓病也。但口噤而兼反張者。是已成瘓也。小續命湯。口噤而不反張者。是未成